

黃氏逸書考

詩學堂經解

逸書考

毛詩王基申鄭義

甘泉黃奭學

采采芣苢

周南

王肅引周書王會云芣苢如李出於西戎
王基駁云王會所記雜物奇獸皆四夷遠
國各貢土地異物以爲貢贄非周南婦人
所得采是芣苢爲馬舄之草非西戎之木
也

正義

魴魚頰尾王室如燬

汝墳之大夫久而不歸

正義

良馬五之鄰

王肅云夏后氏駕兩謂之麗殷益以一駟
謂之騶

王基云商頌曰約軹錯衡八鸞鏘鏘則
駕四不駕三也

正義

充耳以素乎而

齊

王肅云王后織玄紵天子之玄紵一玄而
已何云具五色乎

王基理之云統今之條豈有一色之條色
不雜不成爲條王后織玄統者舉夫色尊
者言之耳

正義

六月宣王北伐也

小雅

六月使吉甫采芑命方叔江漢命召公惟
常武宣王自行耳

正義

侵鎬及方

王肅以爲鎬京

王基駁曰據下章云來歸自鎬我行永久

言吉甫自鎬來歸猶春秋公至自晉公至
自楚亦從晉楚歸來也故知嚮日千里之
鎬猶以爲遠鎬去京師千里長安洛陽代
爲帝都而濟陰有長安鄉漢有洛陽縣此
皆與京師同名者也

正義

不自爲政卒勞百姓

鄭箋卒終也昊天不自出政教則終窮苦
百姓欲使昊天出圖書有所授命民乃得

安

王肅以爲禮人臣不顯諫諫猶不顯乎欲使天更授命詩皆獻之於君以爲箴規包藏禍心臣子大罪況公言之乎

王基理之曰臣子不顯諫者謂君父失德尙微先將順風喻若乃暴亂將至危殆當披露下情伏死而諫焉待風議而已哉是以西伯戡黎祖伊奔告於王曰天已訖我殷命古之賢者切諫如此幽王無道將滅京周百姓怨王欲天有授命此文陳下民

疾怨之言曲以感悟此正與祖伊諫皆同
忠臣殷勤之義何謂非人臣宜言哉肅不
譏尙書祖伊之言而怪家父邪

正義

十月之交朔日辛卯

以麻校之自共和以來當幽王世無周十
月夏八月辛卯交會

鼓鍾將將淮水湯湯憂心且傷

毛傳幽王用樂不與德比會諸侯于淮上
鼓其淫樂以示諸侯賢者爲之憂傷

王肅云凡作樂而非所則謂之淫淫過也
幽王既用樂不與德比又鼓之於淮上所
謂過也桑間濮上亡國之音非徒過而已
王基曰所謂淫樂者謂鄭衛桑間濮上之
音師延所作新聲之屬

正義

曾孫來止以其婦子饁彼南畝田畯至喜攘
其左右嘗其旨否

王基以親蠶決之 王基因於不御之重
而引周語以此爲籍田之事

正義

造舟爲梁不顯其光

大雅

自殷以前質略未有造維方特之差以公
制禮因文王敬大如重初昏行造舟遂隨
制之以爲天子禮著尊卑之差記以爲後
世法

正義

左右奉璋

鄭箋璋璋瓚也祭祀之禮王裸以圭瓚
臣助之亞裸以璋瓚

王肅云一本有圭瓚者以圭爲柄謂之圭

瓊米有名璋瓚爲璋者

王基駁云郊特牲曰灌以圭璋與此云奉璋戔戔皆有明文故知璋爲璋瓚矣

正義

以赫厥靈上帝不寧不康禋祀居然生子

鄭箋姜嫄以赫然顯著之徵其有神靈審矣此乃天帝之氣也心猶不安之又不安徒以禋祀而無人道居默然自生子懼時人不信也

王肅引馬融曰帝嚳有四妃上妃姜嫄生

后稷次妃簡狄生契次妃陳鋒生帝堯次
妃諏訾生帝摯摯最長次堯次契下妃三
人皆已生子上妃姜嫄未有子故禋祀求
子上帝大安其祭祀而與之子任身之月
帝嚳崩摯卽位而崩帝堯卽位帝嚳崩後
十月而后稷生蓋遺腹子也雖爲天所授
然寡居而生子爲衆所疑不可申說姜嫄
知后稷之神奇必不可害故欲棄之以著
其神因以自明堯亦知其然故聽姜嫄棄

之肅以融言爲然又其奏云稷契之興自
以積德累功於民事不以大迹與燕卵也
且不夫而育乃載籍之所以爲妖宗周之
所以喪滅其意不信履大迹之事而又不
能申棄之義故以爲遺腹子姜源避嫌而
棄之

王基駁云曰凡人有遺體猶不以爲嫌況
於帝嚳聖主姜嫄賢妃反當嫌於遭喪之
月便犯禮哉人情不然一也就如融言審

是帝嚳之子凡聖主賢妃生子未必皆賢
聖能爲神明所祐堯有丹朱舜有商均文
王有管蔡姜嫄御於帝嚳而有身何以知
其特有神奇而置之於寒冰乎假令鳥不
覆翼終疑逾甚則后稷爲無父之子嚳有
淫昏之妃姜嫄有汚辱之毀當何以自明
哉本欲避嫌嫌又甚焉不然二也又世本
云帝嚳卜其四妃之子皆有天下若如融
言任身之月而帝嚳崩姜嫄尙未知有身

帝嘗焉得知而卜之苟非其理前卻紮礙
義不得通不然三也不夫而育載籍之所
以爲妖宗周之所以喪滅誠如肅言神靈
尙能令二龍生妖女以滅幽王天帝反當
不能以精氣育聖子以興帝王也此適所
以明有感生之事非所以爲難肅信二龍
實生褒似不信天帝能生后稷是謂上帝
但能作妖不能爲嘉祥長於爲惡短於爲
善肅之乖戾此尤甚焉

正義

公劉召康公戒成王也

王肅云公號也劉名也

王基云公劉字也

釋文

周人以諱事神王

者祫百世召公大賢出自姬姓稱揚先祖
盛德之君而舉其名不亦遠於禮乎

正義

常武召穆公美宣王

王肅述毛以爲王不親行

王基述鄭爲此章王自親行王既親行仍
須命元帥以統領六軍故左傳鄢陵之戰

楚王雅自親■仍自子反將中軍正義

漢學堂經解

說書六

周官馬融傳

甘泉黃齋學

天官冢宰

惟王建國

建諸侯之國

疏

乃立天官冢宰

冢大也宰治也大治者兼萬事之名也

書疏

徒三百人

池塞苑囿取魚處多故也

疏

以統百官

統本也百官是宗伯之事也

書疏

以八則治都鄙

距王城四百里至五百里謂之都鄙鄙即邊

邑也以封王之子弟在畿內者

書疏

立其兩

立卿兩人

書疏

六曰事職

爭職掌百工器用未耜弓車之屬也

書疏

地官司徒

輿輪之數

東西爲廣南北爲輪疏

謂之地中

地中洛陽周髀算經註

乃建王國焉

王國東都王城今河南縣書疏

一曰和二曰容三曰主皮四曰和容五曰興

舞

和志體和容有容儀主皮能中質和頌合

雅頌武與舞同

論語疏

掌以媿詔士以三德教國子一曰至德以爲
道本

媿媿道也告王以善道師者教人以事而
論諸德也德行內外之稱在心爲德施之
爲行至德者中德也以至道天命之謂性
率性之謂道失中庸則無以至道故曰以

爲道本

通典

二曰孝德以知逆惡

教以孝德使知逆惡之不可爲也

通

二曰友行以尊賢良三曰順行以事師長

教以朋友之行使擇益友也師德所歸

也長老者

通典

而養國子以道

道六藝

太平御覽

六曰九數

今有重差夕桀

疏困學紀聞

掌司萬民之難

難謂相與爲仇也

太平御覽

中春之月

疏王肅論自馬氏以來乃因周官而有二月

春官宗伯

每宮卿二人

奄卿也

疏

春見曰朝夏見曰宗秋見曰覲冬見曰遇

在東方者朝春在南方者宗夏在西方者

覲秋在北方者遇冬

詩疏

兆五帝于四郊

郊天之祀咸以夏正五氣用事有休有王
各以其時兆于方郊四時合歲功作相成

亦以此月總旅明堂

南齊書志

立小祀

宗廟小祀

疏

和鬱鬯

鬱草名如鬱金香草合爲鬯也

禮記疏

掌五几五席之名物

凡長三尺

疏

筵國賓于牖前

國賓二王後

通典

以朝日

天子以春分朝日秋分夕月

南齊書志

祀五帝

五帝謂大皞炎帝黃帝五人之帝屬

禮記

圜鐘為宮

應鐘也

隋志

隋贊

血以塗鐘鼓

疏

大師宜于社

爾雅曰起大事動大衆必先有事于社

太平

御覽

掌勝國邑之社稷之祝號

所討國所封邑由立社稷

太平御覽

一曰玉路錫樊纓十有再就

鞶纓馬飾在膺前十有二帀以毛牛尾

塗十二重

疏

木路前樊鵠纓

前樊結纓謂再重樊纓在前有結在後往
往結革以爲堅且飾節良

疏

重翟錫面朱總

重翟爲蓋今之初蓋是也

疏

夏官司馬

掌六鄉賞地之法

六鄉之地在野郊五十里內五十里外

六遂

疏

分以日夜

漏凡百刻春秋分晝夜各五十刻冬不晝

則四十刻夜則六十刻夏至晝六十刻夜

四十刻

疏

九節五正

十尺曰侯四尺曰鵠二尺曰正四寸曰

詩疏

禮書

矰矢第矢

繳繫短矢謂之贈

史記索隱

河內曰冀州

在東河之西西河之東南河之北

釋文

秋官司寇

詰四方

詰猶窮也窮四方之姦也

書疏

掌射國中之天鳥不若見其鳥獸則以
之弓與救月之矢射之

天鳥梟鴞惡聲之鳥也獸虎狼罽也救

日食則伐鼓北面體大陰救月食則伐鼓

南面體大陽以此弓矢射之

太平御覽

其外方五百里謂之侯服

疏馬氏之義六服當面各四分之一

冬官攷工記

樂氏爲削

削偃曲卻刃

林希逸解

重三錡

錡量名當與呂刑錡同俗儒云錡六兩爲

一川不知所出耳

書疏

則是以博爲幪也

幪音淺

釋文

以曾鳴者

曾作胃

釋文

觚三升

觚當爲觶

儀禮疏

則一豆矣

豆當爲斗

儀禮疏

左祖右社

社稷在右宗廟在左

後漢書註

漢學堂經解

逸書考

周官千寶注

甘泉黃奭學

大官冢宰

惟王建國辨方正位體國經野

王天子之號三代所稱

釋文

辨方謂別東西

南北之名以表陰陽也正位謂君南面當

陽臣北面卽陰居后于北宮以體太陰居

太子于東宮以位少陽之類

太平御覽體形體

釋文

乃立天官冢宰

濟其清濁和其剛柔而納之中和曰宰

文釋

以佐王治邦國

國天子諸侯所理邦疆國之境

文釋

以詰邦國

彈正糾察也

文釋

五曰賦貢

賦上之所求于下貢下之所納于上

文釋

九曰幣餘之賦

幣必世反

釋文

四曰羞服之式

羞飲食也服車服也

釋文

九曰藪

藪作叟

釋文

正月之吉

周正建子之月吉朔日也

唐會要文苑英華

挾日而斂之

币子合反十日也

釋文

設其參

三公也

釋文

前期十日

期如字

釋文

及納亨

納牲將告殺謂向祭之辰也

後漢書註

掌建邦之宮刑

宮如字謂宮中之刑也

釋文

凡宮之糾禁

若御史中丞

後漢志註

小事則專達

達決也

釋文

凡失財用物辟名者

辟名不當也

釋文

賓賜之殮牽

作賓賜賞其殮牽

釋文

膳夫授祭

祭五行六陰之神與人起居

釋文

掌其六畜六獸六禽

六獸麋鹿麇豕兔六禽雁鵠雉鳩鵒

鷦

釋文

夏行牯鰭膳膏臊秋行犢麋膳膏腥

燥豕膏也腥雞膏也

釋文

牛夜鳴則廝

廝病也

釋文

蝮

內病也

釋文

音漏

羣經音辨

而耕耨王藉

古之王者貴爲天子富有四海而必私置
藉田蓋其義有三焉一曰以奉宗廟親致
其孝也二曰以訓于百姓在勤勤則不匱
也三曰聞之子孫躬之稼穡之艱難無違

也

後漢志註

掌取互物以時籍魚鼈龜蜃

互對也蜃鱉類

釋文

糗餌粉飧

糗餌者或屑而蒸之與棗豆之味同食物

紉原

茹菹

今之艸蔬草堪爲菹江東有之

詩釋文

司會

凡言司者總其領也凡言師者訓其徒也
凡言職者主其業也凡言衡者平其政也
凡言掌者主其事也凡言氏者世其官也
凡言人者終其官也不氏不人權其材也

透權其材者既云不世又不終身隨其材而用之

而權暫用也禮記

而生種粒之種

墮晚杭稻之屬粒陵穀黍稷之屬也後漢書

地宮司徒

以金鐃和鼓

去地一尺灌之以水又以其器盛水于下

以芒當心跪注以手震芒其聲如雷廣川

展牲則告牲

展牲若今夕也

後漢志註

司門

如今校尉

後漢志註

每門下士二人

如今門候

後漢志註

皆金也以英蕩輔之

漢之銅虎符則其制也英刻書也蕩竹

也刻而書其所使之事以助三節之信

漢之竹使符者亦取助之故事也

後漢志註

春官宗伯

圓鍾為宮黃鍾為角大蕤賓徵姑洗為羽

不言商為臣王者自謂故著其實而臣

其名若曰有天地人物無德以主之謙也

曰牧也

隋志

鼓車

封璽曰輦

後漢志註

鳴鈴以應雜人

和鸞皆以金為鈴

後漢志註

周官考工記

夏官司馬

大僕

若漢侍中

後漢志註

中秋獻矢簠

殷今謂之步又

後漢志註

秋官司寇

掌之政

司徒府中有百官朝會殷天子與丞相

決事是外朝之存者

以學夜士夜禁

夜士今都候之屬後漢各一人主

衛尉宮及天子有所收攷屬衛尉

後氏

卒辟車之屬後漢志註

有

今鴻臚通典

冬官攷工記

冬官杜矢

周官十寶注

枉矢象妖星非其義也枉蓋應為杆直

枉矢於弧

後漢志註

則是以博為幟也

幟作殘

釋文

以胃鳴者

胃作骨敝尻屬也

釋文

海學堂經解

逸書考

馬融儀禮喪服經傳 甘泉黃奭學

斬者何不緝也

不緝不綆也謂斬布用之不綆其端也

凡經者麻之有蕢者也

蕢者枲實枲麻之有子者其色麤惡故用

之苴者麻之色

並春
秋疏

天子至尊也

天下所尊

君至尊也

一國所尊

正體於上又乃將所傳重也

體者嫡嫡相承也正謂體在長子之上上正於高祖體重其正故服三年

庶子不得爲長子三年不繼祖也

庶子賤爲長子服其服不得隨父服三年

故言不繼祖也

喪服小記疏引山陰陸氏云爲五世之遠父兄爲

重者必以尊服

受八宗廟之重故三年

至尊也

婦人夫天故曰至尊

右至尊也

賤妾事夫如君故至尊也

往麻經方本在上

在上指右故曰右本

父卒則爲母

父卒無所復屈故得伸重服三年也

母爲長子

不在斬衰章者以子當服母齊衰也

何以期也屈也

屈者子自屈於父故周而除母服也父至

尊子不敢伸母服三年

妻至親也

與已共奉宗廟所以至親

故本繼世嫁從爲之服報

繼母爲已父一年喪畢嫁後夫重成服者
故隨爲之服繼母不終已父三年喪則不

服也

並通典

世父叔父何以期也與尊者一體也

與父一體故不降而服周也

教繼公集說

大妻一體也昆弟一體也

言一體者還是至親因父加於世叔故三

昆弟一體也因世叔加於世叔母故云夫

妻一體也

故父子首足也

首足者父尊若首加祖在期子卑若足會

孫在總也

並儀禮疏

父之所不降子亦不敢降也

大夫重嫡不降大功子從父不敢降其妻

故服周也

不貳斬也

爲大宗後當爲大宗斬還爲小宗周故曰

不貳斬

爲其父母昆弟之爲父後者

婦人以適人降故服父母周爲昆弟之爲
父後者亦爲之周也

必有歸宗曰小宗

歸宗者歸父母之宗也昆弟之爲父後者
曰小宗

子無大功之親與之適人

無大功之親以收養之故母與之俱行適

人

妻不敢與焉

不敢與知之也

未嘗同居則不爲異居

謂已自有宗廟不隨母適人初不同居何
異居之有

夫之君

夫爲君服三年妻從夫降一等故服周

以期也從服也

從夫而爲之服也從服降一等故夫服三

年妻服周也

何以期也報之也

伯母叔母報之

公妾

公諸侯也

女子子爲祖父母

不言女孫言女子子者婦質者親親故繫父言之出入服同故不言在室適人也

大夫不敢降其祖與適也

奠祖重嫡自尊者始也故不敢降並通典

公妾以及士妾爲其父母

其間有卿大夫妾故言以及敖繼公集說

丈夫婦人爲宗子宗子之母妻

言一族男女皆爲宗子母與妻服

庶人爲國君

眾人爲國君服齊衰三月也

大夫不敢降其宗也

五屬孫雖爲大夫不敢降宗子者故服齋

衰三月

大夫不敢降其祖也

尊祖不降也

未嫁者其成人而未嫁者也

成人謂十五已上許嫁未行者也

不敢降其祖也

以祖名曾明婦人雖爲天王后不敢降其

祖宗也

並通典

無服之殤以日易月

民國甲戌

馬油夏及至專

六江都朱氏

以哭之日易服之月殯之期親則以旬有
三日哭總麻之親者則以三日爲制儀禮疏
公爲適子之長殯中殯大夫爲適子之長殯
中殯

重嫡也大夫亦重嫡故皆不降服大功也
其長殯皆九月纓經其中殯七月不纓經
長殯以成人其經有纓中殯賤禮畧其經
無纓也

爲人後者爲其昆弟

昆弟在周而降之以所後爲親也

不降其適也

重嫡故不降之爲服也

女子子適人者爲衆昆弟

適人降其昆弟故大功也

姪丈夫婦人報

嫁姑爲嫁姪服也俱出也

從服也

從夫爲之服降一等

大夫爲世父母叔父母子昆弟昆弟之子爲士者

子謂庶子也皆周也大夫尊降士故服大功也

尊同則得服其親服

尊同者亦爲大夫服周也

公之庶昆弟大夫之庶子爲母妻昆弟

鄭注舊讀

昆弟在下賈疏謂鄭君已前馬融等以昆弟二字抽之在傳下

言庶者諸侯異母兄弟也庶子大夫妾子

也諸侯貴妾子父在爲母周父沒伸服三年大夫貴妾子父在爲母周賤妾子父在爲母大功則從大夫而降也並通典庶夫之昆弟之婦人子適人者

在室者周適人者降大功也

女子子嫁者未嫁者

合大夫之妾爲君之庶子女子子嫁者未

嫁者言大夫之妾爲此三人同服

鄭注云舊說合

大夫之妾爲君之庶子女子子嫁者未嫁者言大夫之妾爲此三人之服也疏云此

馬融之輩
舊讀如此

大夫大夫之妻大夫之子公之昆弟爲姑姊
妹女子嫁於大夫者

此上四人者各爲其姑姊妹女子子嫁於
大夫者服也在室大功嫁於大夫大功尊
同也

君爲姑姊妹女子子嫁於國君者

君諸侯也爲姑姊妹女子子嫁於國君者
服也不言諸國者關天子元士卿大夫也

上但言君者欲關天子卿大夫嫁女諸侯皆爲大功也

尊同則得服其親服

諸侯絕周姑姊妹在室無服也嫁於國君者尊與已同故服周親服

牡麻經

經帶從大功制度小功言澡麻是言牡麻知從大功也

叔父之下殤適孫之下殤昆弟之下殤大夫

民國甲戌

馬融喪服經傳

九江都朱氏

庶子爲嫡昆弟之下殤爲姑姊妹女子子之
下殤

本皆周服下殤降二等故小功也

爲人後者爲其昆弟從父昆弟之長殤

成人成大功也長殤降一等故小功

爲夫之叔父之長殤

成人大功長殤降一等

昆弟之子女子子夫之昆弟之子女子子之

殤

伯叔父母爲之服也成人在周下殤降二等故服小功也

大夫公之昆弟大夫之子爲其昆弟庶子姑姊妹女子子之長殤

大夫以尊降公之昆弟以尊厭大夫子以父尊厭各降在大功長殤復降一等故服小功也大夫無昆弟之殤此言殤者關有罪若畏厭溺當殤服之

大夫之妾爲庶子之長殤

除嫡子一人其餘皆庶子也男女至成人同在大功長殤降一等故小功也不言君者殤賤見妾亦得子之也

從祖祖父母

曾祖之子祖之昆弟也正服小功

從祖父母報

從祖祖父之子是父之從父昆弟也云報者恩輕欲見兩相爲服

從祖昆弟

曾祖孫也於已爲再從昆弟同出
既言從祖昆弟正服小功也

人姊妹

叔父之女

人者

祖爲女孫適人者降一等故小功也

人後者爲其姊妹適人者

在室者齊衰周適人大功以爲大宗後疎
之降二等故小功也不言姑者明降一體

不降姑也

尊加也

本親總以母所至尊加服小功故曰以尊

加

並通典

母丈夫婦人報

從母報姊妹之子男女也丈夫婦人者異

姓無出入降

儀禮

名加也

外祖從母其親皆稱也以尊名加故小功

也

夫之姑姊妹娣姒婦報

娣姒兄弟之妻相名也長稚自相爲服不言長者婦人無所專以夫爲長幼不自以年齒也妻雖小猶隨夫爲長先娣後姒者明其尊敬也報者姑報姪婦也言婦者廟見成婦乃相爲報

大夫大夫之子公之昆弟爲從父昆弟庶孫姑姊妹女子子適士者

謂上三人各自爲其從父昆弟庶孫姑姊
妹女子子適士者服也從父昆弟庶孫正
親大功也以尊降故服小功姑姊妹女子
子適人大功適士降一等故服小功也
大夫之妾爲庶子適人者

嫡夫人庶子也在室大功出則降一等故
服小功

庶婦

庶子婦也舅姑爲之服也

君母之父母從母

君母者母之所君事者從母者君母之姊妹也妾爲之服小功也自降外祖服總麻外無二統者

君母不在則不服

從君母爲親服也君母亡無所服復厭則

不爲其親服也自得伸其外祖小功也

賈

云吾馬氏義君母不在乃可也

君子子爲庶母慈已者

爲慈養已者服小功

君子子者貴人之子也

貴人者嫡夫人也子以庶母慈養已加一等小功也爲父賤妾服緦父沒之後貴賤妾皆小功也

族祖父母

族祖父祖之從父昆弟也亦高祖之孫

族父母

族父從祖昆弟之孫

庶孫之婦庶孫之中殤

祖父母爲嫡孫之婦小功庶孫降一等故
總也祖爲孫成人大功長殤降一等中下
殤降二等故服總也言中則有下文不備
疎者畧耳

從祖姑姊妹適人者報

於已再從在室小功適人降一等故總也
從祖父從祖昆弟之長殤

成人服小功長殤降一等故總也中下殤

無服故不見也

從父昆弟姪之下殤

降二等故服緦也

夫之叔父之中殤下殤

妻爲之服也成人在大功中下殤降二等

從母之長殤報

成人小功長殤降一等

與尊者爲一體不敢服其私親也

承父之體四時祭祀不敢伸私親服廢尊

養之祭或無總也

有死於宮中者則爲之三月不舉祭

緣先人在時哀傷臣僕有死宮中者爲缺
一時不舉祭因是服總也

士爲庶母

以有母名爲之服總

貴臣貴妾

君爲貴臣妾服也天子貴公諸侯貴卿大
夫貴室老貴妾謂姪娣

乳母

士爲乳母服

何以緦也以名服也

以其乳養於已有母名

從母昆弟

姊妹子相爲服也

以名服也

以從母有母名以子有昆弟名

甥從其母而服已總故報之

壻

壻從父來爲已服總故報之以總也

妻之父母

壻從妻而服總也

舅之子

姑之子爲舅之子服今之中外兄弟也

何以總從服也

從其母來服舅之子總

馬融喪服經傳

夫之姑姊妹之長殤

成人服小功長殤降一等總中下殤無服
禮三十乃娶而夫之姊殤者關有畏厭溺
者

夫之諸祖父母報

所服者四其報者二曾祖正小功故妻
總不報也從祖祖父旁尊故報也

君母之昆弟

妻孀爲嫡夫昆弟服也君母卒則不

也

從母報

從母在爲之服

昆弟之孫之長殤

成人小功長殤降一等

以爲相與同室則生總之親焉

姊姒以同室相親生以緦總之服

爲其妻緦冠葛經帶

天子諸侯之庶子爲其妻輕故緦冠葛經

也

皆既葬除之

無日月數也

改葬總

棺有弛壞將亡尸柩故制改葬棺物敗者
設之如初其奠如大斂時不制斬者禮已
終也從墓之墓事已而降不必三月唯三
季者服總周以下無服

並通典

童子

未成人也

下皆補遺

子嫁反在父之室爲父三年

爲犯七出還在父母之家

出妻之子爲母

犯七出爲之服周

大夫爲舊君

大夫爲舊君據不在列位不敢自比於留

臣故自同於庶人也

嫁者其嫁於大夫者也

民國甲戌

馬融喪服經傳

大元江都朱氏

嫁者未嫁者爲曾祖父母服也嫁者嫁爲
大夫妻也

女子子之長殤中殤

子者男子之已爲子及女子子之殤服色
成人服周長中殤降一等服大功也不書
男子女子者男女異長也男子二十而不
爲殤女子十五許嫁笄而不爲殤也其去
許嫁如男子二十乃不爲殤

爲伯父母叔父母姑姊妹

合大夫之妾爲君之庶子女子子嫁者未
嫁者言大夫之妾爲此三人同服

爲姪庶孫丈夫婦人之長殤

適人故還爲姪祖爲庶孫成人大功長殤
降一等故小功也言丈夫婦人者明姑與
姪祖與孫疎遠故以遠辭言之

外孫

女子子之子

從父昆弟之子昆弟之孫長殤

成人小功長殤降一等故服緦也

並通典